

中國地方志集成

遼寧府縣志輯 ②②

錦西縣志

建昌縣志

北鎮縣志

北鎮縣志目錄

挿圖

北鎮縣全圖

北鎮市街圖

序

例言

編纂銜名

地理

建置沿革大事記

疆域 附形勢經緯度氣候畧刻

奉天省北鎮縣志

卷一 目錄

山脉

河流

城鎮 附市鎮

衙署 附會所

區村 附區村制

道路 附橋梁

壇廟

古蹟

人物

名宦

耆舊

鄉宦

孝義

文學

鄉耆

方伎

列女

仙釋

政治

行政 附舊官制

奉天省北鎮縣志

卷一 目錄

司法 附司法收入表

警察 附警察表

保甲 附保甲表及自衛團

教育 附學校表

財政 附警學保甲經費表

交通 附自治區域表

自治 附自治區域表

職官

科舉 附議員

人事

人類

戶口 附戶表

氏族

宗教

禮俗

慈善

實業 附各種實業表

物產

植物

動物

奉天省北鎮縣志

卷一 目錄

三

礦物

藝文

雜文

詩歌

北鎮縣志序一

王子晦菴治北鎮之期年以所纂縣志示余質而雅簡而備例達而辭宜信乎其為一邑之史也北鎮古稱廣寧設治雖久以僻在邊徼土瘠而民艱厯任守土者方勞來安輯之不服其於徵文考獻之事固未嘗及也凡事之作始也難而修志之難為尤甚以彈丸一邑之地官書不備史乘不詳卒然命筆大而山川城邑小而魚蟲草木莫不網羅於一編之中足以稽古昔鏡來茲非好學深思之士何足語此而況北鎮經戰役之後年穀不登王子能於簿書期會之餘聘宿儒訪耆老孜孜於修志之役不期年而成書其用心不可謂不勤歲事不可謂不速是書一出舉凡數百年之內數百里之間刑政之設施風俗之變易森然羅列罕是邑者於遐食之暇披覽尋繹以謀施政之興革是亦致治之端矢冀僅備一邑之掌故已哉

中華民國十八年元旦雙城莫德惠序於瀋水

奉天省北鎮縣志

卷一 序

二

北鎮縣志序二

昔漢丞相張蒼使屬潁川朱贛條天下風俗班固因之作地理蜀漢之際揚戲陳街各著書論益郡人物陳壽資以為傳蓋欲周知民俗良窳禮教興衰山川之扼塞人士之豪傑罔不以方志為主衆勒為專書冀以觀風施政宣上德而通下情俾治日臻夫上理也北鎮一縣舊稱廣寧為遠西大邑其風氣樸厚無澆漓浮夸之習而醫巫閭山尤為東省人士所翬稱讀載籍者類能道之惜為疆場所限僻在賈廓曠邈之境交通阻隔海內名賢足跡罕至非若皖贛之瀟嶽匡廬江浙之靈巖天台雁宕諸山翳古以來詩人碩士登覽謳詠載之簡冊名益彰聞以醫巫閭山與南服諸名勝奉天省北鎮縣志

卷一 序

三

者已

中華民國十七年歲次戊辰中秋節撫順佟兆元撰於遼瀋道署

北鎮縣志序三

古之君子出宰一邑將欲為神明之宰慈惠之師俾庶政可推行無阻必先覽山川詢者宿諷禮俗核財賦辨物產乃得洞悉其政治沿革民生利弊之所在而其要莫備於縣志故縣之有志乃考鏡得失之大滙而非志山水傳者舊者局於一部之可比也北鎮負醫巫閭山於中國史為名區於遠西為大邑而向無志書論者每不無遺憾民國十六年曲君廉本宰是邑值省令督修縣志乃纂輯呈核以體製未合飭令修補未竟其事而去適余來視縣事未及期月於勸學綏民各政遽加展拓庶績漸熙念邑志為千秋文獻所繫未可再延爰撥款設局延邑紳劉君慶齡呂君中清孟君憲彭細檢舊稿督者汰之漏者補之謬誤者正之閱四月歲事復郵寄省垣由李君維楨參閱然後呈送省署核定區區之勤對於此書庶可謂殫精從事矣此書本仿海城縣志體例而刊落舊稿之繁蕪且稿經再易雖不免或有疏漏之虞而大端固已畧具其於誦俗施政或亦可為推轡之前導也夫民國十七年六月知北鎮縣事王文璞序

卷一 序

一

北鎮縣志序

查北鎮向無志書在民國十六年經由前任盧本督脩未藏事而去嗣經王前任文璞籌款設局廣續編纂刪錄刪濫越數月而始告成書終以收絀待刊是二君者均能於政教之餘留心掌故致露精詳云云矣宜乎民有去後之思也余於

奉天省北鎮縣志

卷一

序

二十一年冬荷蒙 憲檄承乏是邦當事變以後盜匪蠢起之時下車未久而縣城即被匪圍攻七晝夜岌岌不保幸賴警團與各槍戶暨紳商等登陴誓守卒經友軍援而圍解現今匪氛已經剿滅鄉民亦幸得安居回憶去歲孤城匪警風鶴頻驚萬分危險誓共存亡是時即思欲與地方諸父老

考獻徵文而不可得其感想為如何也今

則瞬逾期年矣前此迭奉省令以闕北省縣疆域圍籍風俗人情物產名勝均有蒐集之必要飭送縣志用備稽考以收絀未能刊行深為遺憾當飭員書照繕兩部分別送呈惟是篇幅浩繁抄寫非易用特籌款派員專司印刷共襄成二

奉天省北鎮縣志

卷一

序

部籍資采覽庶可使後之宰斯邑者不出戶庭而知市縣沿革禮教興衰山川扼塞戶口多寡與民生利弊之所在詎敢謂有功於治聊以補曲王二君之不乏云尔
大同二年六月知北鎮縣事夏鍾秀序



北鎮縣志序五

北鎮向無縣志也民國十五年間知事曲公獻廷奉省令編纂未幾升任弗克蒞事繼任王公晦菴復聘邑紳劉夢九等廣續編纂苦心孤詣旁蒐廣輯甫及兩年而縣志始克告成縣長王公欲付諸梓苦於無款而止事變後斯志原稿及問山各風景寺院圖存於教育局內民國二十年夏曆十一月二十七日悍匪數萬攻城度度欲破文以斯志或遭兵燹前人之心血徒擲虛地矣乃穴地以藏之幸日軍援助城圍立解而斯志無恙亦以鬼神有以呵護之歟滿洲建國丕基大定省令各縣速呈本縣縣志文以本局存無善本乃令屬員晝夜繕繕原稿已就四部分呈省政府及新京奉天省北鎮縣志

卷一 序

三

民政部縣長夏公籌款

元令付手民以觀厥成而吾邑紳

耆彥精竭慮之文章乃出現於北鎮因記其始末以為之序

大同二年一月北鎮縣教育局長楊煥文謹識

續編序言

本志經鄉賢輩於民國十七年六月二十日編纂告竣以苦於款項屢謀付梓未獲人皆憾之茲經

縣長夏公籌有的款將就付梓

局長楊公命續民十七年後諸事跡於余余雖不文豈敢方命復思志書重在事實文字之工拙其未焉者耳遂拈毫畧述近數年來一切縣政之興革與夫建設邁進之梗概志於各目之末雖云文辭謬陋有類狗尾續貂而事實則無少異耳

大同二年一月社會課長劉振翹識於北鎮縣教育局

奉天省北鎮縣志

卷一 序

四

北鎮縣志卷一

例言

一本邑向無志書民國十五年瀋陽曲公獻廷來權篆始奉省令編纂未幾升任昌圖弗克蒞事繼任王公晦蒼復督邑紳廣續成之

一本書分為地理人物政治人事物產藝文六綱計四十三目

一建置沿革悉本盛京通志凡得自傳聞無籍可考難以徵實者概不登錄

一山川疆域今昔不同茲編所紀本之盛京通志而證以實地調查庶免泥古略今之弊

奉天省北鎮縣志

卷一

例言

五

一區村道路務宜詳明茲編於戶口數目地畝等則縣鄉里各道經過村屯距離里數一一臚列彙括無遺

一壇廟古蹟參考盛京通志查其現今存在者載之其昔有今廢者附以說明

一文廟從祀諸賢武廟從祀諸將其名爵里居依次詳註以誌尊崇

一人物綱內分名宦職官耆舊鄉宦以蒞官斯土著有功德者列入名宦其無特別政績者列入職官本籍已故官紳風有名望者列入耆舊現在士紳名登仕版者列入鄉宦

一前代科舉遵盛京通志之例以五貢為止學校畢業者以大學

及專門為限其鴻儒碩彥學識優長者編入文學目內

一孝子義士節婦烈女其徽德懿行皆足以維持風化茲編博搜詳紀用闡潛幽但不敢稍涉冒濫有乖信史

一醫學美術堪輿占候本邑向不乏人茲擇其優長而素有名望者列入方伎餘不備載

一政治因時改革今昔制度懸殊凡行政司法教育警甲各政均按現行新制彙編畧附舊制以資考鏡至於交通自治亦皆要政併誌不遺

一種族盛衰戶口蕃衍今昔不同茲據確實調查詳為紀載以觀人事之變遷

奉天省北鎮縣志

卷一

例言

六

一宗教與道德法律並重故信教自由為各國通例茲編於釋道耶回諸教考究原委分別詳記庶使人皆向善崇信不渝

一盛京通志載本境民風謂其士勵廉隅民安勤儉然歷年既久寢有遷移茲編於吉凶典禮取其通行閭里習慣則斷自近代

一實業隆替關係民生是編所紀農工商礦各業悉本現狀詳列附表於後至全境物產向稱饒衍實業所資亦併紀之

一本邑敬教勸學歷有年所不無宏達撰著之才但宿儒遺稿等於碩果之僅存茲僅搜得文若干篇詩若干首列入藝文庶資觀感

一本志由民國十六年三月一日經始七月一日告竣呈奉省署

飭另修正復於是年十一月二十日開辦至十七年六月二十日告竣成書期短遺漏茲多潤色之責以俟君子

一本志完成於民國十七年六月二十日於大同二年一月付梓復將民國十七年後之事跡畧述於各目之末以示完全

奉天省北鎮縣志

卷一

例言

×

編纂銜名

監修

北鎮縣知事

王文璞

參閱

前清進士

李維楨

督修

前清拔貢

劉慶齡

纂修

前清優增生

呂中清

前清恩貢生

孟憲彭

奉天省北鎮縣志

卷一

編纂銜名

八

前清優增生

郭紹汾

前清附生考職巡檢

宋景和

校正

熱河審判處處長

吳慶林

前清優增生

郭紹汾

前清優增生

呂中清

前清拔貢

劉慶齡

教育局社會課長

劉振翮

採訪

教育所長

張炳麟

教 育 會 長	葉 澍 芹
公 啟 主 任	劉 祖 堯
第 一 區 區 長	劉 繼 黃
第 二 區 區 長	郭 增 田
第 三 區 區 長	陳 萬 言
第 四 區 區 長	陳 桂 森
第 五 區 區 長	孟 憲 湯
第 六 區 區 長	李 文 增
第 七 區 區 長	孫 國 俊
第 八 區 區 長	佟 榮 麟
奉天省北鎮縣志 卷一 編纂銜名 九	
騰 錄	
前 清 優 附 生	郭 耀 增
邑 人	劉 福 源
邑 人	賈 維 楨
繪 圖	
北鎮縣初級中學校長	那 玉 振

地 理	疆域之廣狹險易蒼黔之良莠息耗敷治者不能躬自遍歷也必為圖若籍以統貫而條理之不出戶庭而境內之應興應革宜捐宜益之故瞭然胸中是以周禮大司徒掌以職方孔子見負板者式之地理之於政治關係何其重與北鎮左河右山原隰曠衍營口盤山際其南彰武阜新距其北東抵黑台西臨錦義幅員廣袤物產豐饒官斯土者苟能措施咸宜實業文化必有蒸蒸日上號稱易治者志地理第一
奉天省北鎮縣志	卷一 地 理 一。

建置沿革大事記

北鎮陶唐屬冀州之域虞屬幽州夏商均屬冀州周屬幽州秦屬
遼西郡統於遼東前漢東南為無慮望平二縣屬遼東西北屬遼
西後漢為無慮縣地屬遼東屬國望平縣屬遼東郡陽嘉初鮮卑
寇遼東屬國耿晔屯無慮以拒之三國北魏無慮望平二縣并屬
遼東郡晉之望平縣屬玄菟郡隸平州省無慮縣南北朝後魏屬
望平縣太武帝省入廣都縣隋屬高麗唐太宗平高麗於無慮望
平二縣置巫間守都尉護府設守捉城後入渤海為顯德府遼世
宗時以渤海顯德府地置顯州奉先軍以奉顯陵顯陵者東丹人
皇王之墓也領奉先山東歸義三縣又置奉陵縣金太祖天輔元
奉天省北鎮縣志

地理 沿革 卷一

年遣將烏楞古兀爾佳沃里布等攻遼顯州知東京事完顏郭倫
以兵來會即以兵三千先渡遠水得降戶千餘遂薄顯州遠將郭
藥師乘夜來襲郭倫擊走之烏楞古等遂與遠將耶律聶呼等戰
於蒺藜山大敗遠兵追北至鄂勒錦陂獲佛德家屬遂圍顯州攻
其城西南軍士賈都踰城先入燒其佛寺烟焰撲人守陴者不能
立諸軍乘之遂拔顯州於是乾懿豪徽成川惠等州皆降嗣改奉
先為鍾秀縣奉陵為閭陽縣山東為廣寧縣又置望平縣並屬顯
州尋升顯州為廣寧府元為廣寧府路封李魯古歹為廣寧王立
廣寧行帥府事後以地遠遷治臨潢立總管府至元六年以戶口
單寡降為東京路總管府屬郡十五年復分為路行總管府事明

廢府縣置廣寧衛洪武二十五年封簡王植於遼明年就藩廣寧
以宮室未成暫駐大陵河北樹柵為營帝命武定侯郭英為築城
郭宮室會高麗白國中至鴨綠江皆積粟帝慮其有陰謀而役作
軍士艱苦今報役至三十年始命都督楊文督遼東諸衛士繕治
之增其堆堞以嚴邊衛嘉靖三十五年達賴以十餘萬騎入廣寧
總兵殷尚質游擊閻懋官禦之於塔兒山四十二年蒙古聚眾廣
寧塞外謀大入總兵楊照率諸將由鎮夷堡分道掩之穆宗隆慶
四年以李成梁為遼東總兵官駐節廣寧時諸達諸部屢窺塞下
十年間大將死者數人成梁乃大修戰備甄拔將校收召健兒給
以厚餼用為選鋒軍聲始振神宗萬曆九年土蠻與黑石炭等聚
兵塞下謀入廣寧成梁率輕騎從大寧堡出去塞四百餘里至禰
郎免大戰敗走之是年十月土蠻復連連把亥等十餘萬騎攻圍
廣寧不克轉掠圍山堡盤山驛及十三山驛攻義州成梁禦却之
李成梁先後鎮守遼東數十年邊境賴以久安朝廷為之建石坊
於廣寧城中以旌其功至今猶巍然矗立焉神宗萬曆四十七年
清天命三年太祖下撫順等城廣寧總兵張承蔭追擊之次年哈
哈納攻沙嶺敗廣寧之援兵熹宗天啟元年以王化貞巡撫廣寧
是年六月起熊廷弼經畧遼東是時遼瀋相繼為清所陷廷弼建
三方布置策廣寧用馬步兵列營三岔河上天津登萊各置舟師
設登萊巡撫如天津而山海關特設經畧節制三方以一事權先

奉天省北鎮縣志

卷一

地理 沿革

一

是王化貞部署諸將沿河設六營營置參將守備分守諸要害議已上廷弼謂今日但當固守廣寧不宜分守防河兵分則力弱倘一營不支則諸將皆潰又焉能守莫如出游徼之兵番巡河上示敵不測而以大兵悉聚廣寧深壕高壘以俟其至化貞素不知兵與廷弼議不合益務為大言且建言願得六萬兵一舉蕩平滿洲兵部尚書張鶴鳴篤信化貞無言不從廣寧兵至十四萬廷弼闕上無一卒徒擁虛號而已二年清天命七年太祖親統大軍攻明渡遼河攻西平堡拔之副將羅一貫死之會化貞遣孫得功祖大壽等赴援廷弼亦檄劉渠會師前進與清兵戰得功連奔呼曰兵敗矣諸軍皆走清兵追至平陽橋全軍盡沒大壽走覺華島得功

奉天省北鎮縣志 卷一 地理 沿革 一三

請降得功素為化貞心腹及是欲生縛化貞以為功時清兵頓沙嶺未進得功揚言兵已薄城居民驚竄化貞方闔署理軍書不知也參將江朝棟排闥入大呼曰事急矣請公速去化貞莫知所為朝棟掖之出上馬僕二人徒走從遂棄廣寧踉蹌西走清兵既入廣寧凡四十餘城堡皆下崇禎五年清天聰八年豫親王入廣寧崇禎十年清崇德二年錫特庫至廣寧虜錦州哨卒十二清康熙三年設廣寧府并廣寧縣四年裁府以縣隸錦州府同治乙丑值髮捻猖獗奉天精兵盡往征勘宵小因之蠢動八月初四日賊首馬俊子姜七周姓等糾眾千餘名突入小黑山鎮斃旗員佐領一兵十三名大肆焚掠并竄擾義州等處十一月三日進踞中安堡

令市民李尚珍入城說尉令曰苟以金帛彈藥賂我當越境他去否則屠城城守尉奇車布懼甚擬迎降縣令煜斌以為納款則可降則不可議未決適副都統銜花里雅春率騎兵二百回吉林原防道出北鎮聞之遂躍馬入署謂尉令曰公等有守土責賊至不能禦反欲迎降可乎繼自今有言降者斬尉令皆唯唯雅春乃慰之曰吾兵雖單然皆歷百戰保此孤城有餘裕請勿憂乃命商民家出一人持械登陴無械者攜石番巡城上須臾堆堞無隙地復分兵之半守五門餘則扼要巷以防內變賊訶知城內備戰大絕望七日午後各悍匪率眾三千餘人由天齊廟嶺馳下攻城東南隅城上矢石雨下賊未得逞復燃炮猛攻炮炸裂遂分其據北鎮

奉天省北鎮縣志 卷一 地理 沿革 一四

廟攻城之西北雅春督兵擊却之賊又潛結獄因為內應運硝磺以燧其桎梏至初更囚皆破扉出火縣署炮燭蔽天賊見火起復鳴炮響應勢甚熒熒聞變冠服堂上擬盡節為犯人掖去得不死其夫人死之奇車布匿商店厨室中僅以身免因見外援未至向街市奔竄守兵以抬槍擊之盡殲焉次日黎明賊見城守完固計沮羣向西北竄去光緒二十七年李景祥為縣令夏五月突有渠魁某欲反正而無由乃於平明城門甫啟率其黨百餘人以入時衛隊悉散某獨坐堂皇某望見即下拜公曰鼠輩反耶何不以槍斃我某曰不敢特來投誠耳請公巡視某効前驅公遂出見市肆不驚秋毫無犯遂許其請立遣之出蓋恐遲則變生也未

幾又有鉅盜趙璧糾黨千餘人乘夜攻城景祥會同城守尉廣某分督駐防隊暨捕兵練勇守各門並躬自登陴督飭轟擊移時斃悍賊數名餘黨始紛紛潰竄全城安堵二十八年分東南界歸盤山縣東北界歸黑山縣民國二年因縣名與廣東重出奉令改為北鎮

民國二十年九一八事變後縣境胡匪充斥民不聊生於夏曆十冬兩個月間境內各村鎮強半被匪蹂躪至村社為墟者亦間有之於冬月二十六日忽有匪目千餘集匪數萬攻城以城內官民防禦嚴終未得逞及圍攻七晝夜時幸友邦大日本軍見義勇為由溝幫子派隊解圍匪眾乃紛竄四方全城民衆之生命財產始

奉天省北鎮縣志

卷一

地理沿革二

一五

得保全時夏曆臘月初二也繼而奉天省自治指導部派縣自治指導委員長及委員來縣於一月十七日成立縣自治指導委員會及縣自治執行委員會以維持地方治安振興庶政於是縣政悉入正軌自治之精神乃現迨滿洲新國成立境內胡匪雖未蕩清而人民已多安生業矣

疆域

縣治疆域於清初時最為遼闊後東北劃歸黑山縣治東南部劃歸盤山縣治面積雖減猶大邑也現在疆域東至于家窩棚四十里黑山縣接界南至河下頭五十五里盤山縣接界西至老爺嶺四十里義縣接界北至白土廠門四十五里熱河阜新縣接界東北至何家窩四十里黑山縣接界東南至咬溝五十里黑山盤山兩縣接界西南至康屯八十里錦縣接界西北至魏家嶺五十里義縣阜新兩縣接界東西橫距八十五里南北縱距一百零五里統計面積共八千九百二十五方里縣城位於全境西北偏東距奉天省城三百六十里

奉天省北鎮縣志

卷一

地理疆域

一六

形勢

縣境醫巫閭環其右羊腸河濬其左阻山帶河天然形勝南臨溝幫鎮為京奉營榆鐵軌交會之區北控柳條邊為蒙古熱河往來必經之地交通便利商賈輻輳西北西部多山嶺土質半係礫瘠東南两部多平原土質率屬膏腴附郭六七里層巒疊嶂拱衛於四週儼如列屏可為犄角之用城內萬紫山孤聳於西北隅俯視城鄉歷歷在目綜全境形勢而論雖無堪稱天塹之大川而山巒綿亘一旦有警擇要扼守大有一夫當關之勢為軍事家所注意以形勢頗佔優越也

經緯度

縣城在北京天文臺東經五度二十分北緯四十一度二十六分
縣境西自東經五度零八分東自東經五度三十六分南自北緯
四十一度十一分北至北緯四十一度三十八分

氣候

全境氣候無甚差別寒暑進退亦無劇烈之變易以華氏表驗之
每歲立春後由十三度至三十三度春分後由三十四度至
五十三度立夏後由五十四度至六十八度夏至後由七
十度至八十八度立秋後由七十五度至五十三度秋分
後由五十二度至三十度有奇立冬後由三十度至十度許或
六度不等然炎夏最高溫度不過九十四度嚴冬最低溫度

奉天省北鎮縣志

卷一

地理 疆域

一七

至冰點下四五度為止每歲十月降雪水始冰至十一月河冰堅
結次年二月終雪止河冰皆泮由三月至五月頃覺溫暖由五月
至七月終暑氣盛由八月至九月杪為秋冷由十月至來年二月
風雪交作冷特甚夏日多南風來自熱帶故天氣極熱冬日多北
風來自北冰洋故天氣極寒惟間山向陽處冬無邪寒夏無盛暑
此亦地勢特殊之關係也

時刻

縣境晝夜時刻冬至日出辰二刻一分有奇日入申一刻十二分
有奇晝長八小時三刻十三分有奇夜長十五小時零二分許夏
至日出寅一刻十四分有奇日入戌二刻二分有奇晝長十五小

時零一分有奇夜長八小時三刻十三分有奇春秋分日出卯正
初刻日入酉正初刻各十二小時但地球南北四時不同本境緯
度視北京約偏二度許故節氣恒較北京(天文臺所定曆晝晚二
日地球東西晝夜不同本境經度視北京約偏六度許故晝夜恒
較北京早二十餘分鐘按每晝夜二十四小時每小時六十分統
計一千四百四十分以地球三百六十度平均每四分鐘約行一度

奉天省北鎮縣志

卷一

地理 疆域

一八

山脈

禹貢劃界分州其主要大山無不備載縣境醫巫閭山乃古幽州之鎮山也蜿蜒縣城西北一帶形勢高聳儼若列屏其餘各山莫不由此分支焉茲特舉其著名者臚列於左

醫巫閭山 城西十里高十餘里周圍二百四十里舜封十二山以醫巫閭山為幽州之鎮故名北鎮掩抱六重又名六山山下有北鎮廟歷代帝王皆有封爵明初始尊為北鎮醫巫閭山之神清朝凡遇大典遣官祭告如儀

萬紫山 城內西北隅明時遠王府墓或云萬萃山或云萬字山千家寨山 城西三十五里有廟名圓通觀客堂佛殿金碧輝

奉天省北鎮縣志

卷一

地理 山脈

一九

煌

大蘆花山 城西南四十五里有廟名海雲觀雲遊道士多集於此山之巔東有朝斗臺西有六角亭北有石門中有客堂佛殿懸崖如畫真福地洞天也

青巖寺山 城西南五十里峭壁挿天壁中有石洞可容數十人

洞口一松圍圍如華蓋洞東一泉洞西一泉山頂一泉有望海觀音閣閣西大樹二株洞上有虛無真境四字每遇天朗氣清海洋帆檣遠陽千山歷歷在望亦一巨觀也障鷹臺即在其上為西南第一峯

靈者寺山 城西三十六里山巔有將軍拜母石故又名將軍拜

母靈者寺

亂峯山 城西十里與柏木山相接

虎頭山 城西北五里形如虎頭故名

木葉山 遠史地理志木葉山在永州潢水土河合流處明一統志木葉山在廣寧中屯衛東三十里上建契丹始祖廟 按遠史

木葉山在上京臨潢府地為今廣寧縣北邊外喀爾喀河南移固

穆爾山明志所云乃今錦縣之平山則似誤矣又考方輿紀要廣

寧衛東三十里有木葉山契丹主建南樓於上在今衛境內廢水

州非此山也則又似遠史之誤兩存其說以備考

雞冠山 其脈來自閭山經靈山寺小房身小三碗石劉屯至何

奉天省北鎮縣志

卷一

地理 山脈

二〇

屯止約長十五里

石梯山 其脈來自閭山經大平灘背陰寺三門口甯屯鮑屯至

常興店止

油箕山 其脈來自閭山經黃碕寺史家溝荒地大房身至三台

子止約長二十里

西平頂山 其脈遠本醫巫閭山近起陳三家子至土堡子村南

止長約五里許

北山 其脈起訖均未出舊站村界長約一里

大山子 其脈起訖限度最短約有半里始終未出大山子村界

韓口山 在城西北五十里

駝房山	在城東南六里俗呼放駝山
土堡南嶺	在城東二十五里形如筆架故又名筆架山
深溝北嶺	在城東十五里
深溝南嶺	在城東十五里
狼虎山	在城東北二十里遠史遠州治平軍有狼山即此也
鷹窩山	在城北四十里
白土山	在城北四十里
鎮邊堡山	在城北四十里
蕎麥山	在城北三十六里
三尖山	在城北三十五里
奉天省北鎮縣志	
卷一	地理 山脈
鎮北山	在城北二十五里
團山	在城北二十里
馬市堡山	在城北十里
白臺子團山	在城北十五里
外團山	在城北十五里
分水北山	在城北十五里
分中山	在城北十里
古城山	在城北十里
鞍山	在城西北六十里
鳳頭山	在城西北六十里

珠寶山	在城東南三十里
眼馬山	在城東南十五里
奉天省北鎮縣志	
卷一	地理 山脈
二	

河流

鄭夾滌有言郡縣有時而更山川千古不易言哉斯言凡研究地理者莫不以山川為最要然山有定位水無恒流北鎮地多高原近百年來巨川細流堙塞改徙時所常有其莫悉原委者暫付闕如謹據調查明確者條舉於後

東沙河 城東門外源出醫巫閭山三道溝東南流繞城北而南至板橋河西北名沙河東南名板橋河俱南流入海

羊腸河 城東四十五里源出邊外由白土廠邊門東入境至盤山散漫

南門乾河 城南門外源出醫巫閭山二道溝東南流入東沙河

奉天省北鎮縣志 卷一 地理 河流 二三
大石橋河 城南一里源出醫巫閭山玉泉寺東南流繞大石橋又東南流入東沙河

南沙河 城南十二里源出醫巫閭山由牽馬嶺東南流合東沙河入海即閭陽驛河

西沙河 城南三十一里源出醫巫閭山青巖寺其在北者名泥河在東南名西沙河南流散漫

雙峯河 城西南二十里在二十里鋪之南源出醫巫閭山背陰寺流入泥河

鋪前河 城西南二十里源出二十里鋪泉東南流至二十里鋪南又東南流至祖家屯南散漫

泥河 城西南三十四里源出醫巫閭山青巖寺山澗東南流繞壯鎮堡又東南流入西沙河

廣寧站河 發源於縣城北三道溝繞東門外由八家子至小亮甲山子村南流為東沙河過趙屯東南至盤山界入減河

三義廟河 發源於縣境西老爺嶺匯南北各溝經閭家甸子至三義廟會入小亮甲山子入盤山界

二道河子 發源於城西頭道溝由廣寧站村北流入廣寧站東河

邱家屯河 發源於城西南觀音洞由二臺子流入三義廟河內

鄭家屯河 發源於城西南望城崗子繞路家屯村東併入三義廟河

奉天省北鎮縣志 卷一 地理 河流 二四
廟河內

小郭屯河 發源於城西段家溝由路家屯村北併入三義廟河內

興凱河 發源於黑山縣經長泡子村入雙臺子河

溝幫子西河 發源於常興店附近眾小河匯歸之水入盤山縣界至小板橋南三十里入海

減河 發源於廣寧站河經陸家窩堡等村入盤山縣境

東套河 發源於紅石碕子流入於大常臺

南小河子 發源於趙家窩棚流入下羊河